

Sarkina Bt Mat Saad @ Shaari

From: UUM CORPORATE COMM.
Sent: Thursday, November 7, 2019 2:04 PM
To: UUM - All Staff; UUM - All Students
Subject: Program Sarjana Muda Pengurusan Hospitaliti, STHM dapat akreditasi Institute Of Hospitality, UK



UUM Corporate Comm.
Universiti Utara Malaysia

7 NOVEMBER 2019 / 10 RABIULAWAL 1441H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: STHM

PROGRAM SARJANA MUDA PENGURUSAN HOSPITALITI, STHM DAPAT AKREDITASI INSTITUTE OF HOSPITALITY, UK



UUM ONLINE: Pusat Pengajian Pengurusan Pelancongan, Hospitaliti dan Acara (STHEM) telah menerima pengiktirafan akreditasi antarabangsa daripada Institute of Hospitality, United Kingdom bagi Program Sarjana Muda Pengurusan Hospitaliti (BHM).

Naib Canselor UUM, Prof. Dato' Dr. Ahmad Bashawir Abdul Ghani berkata, kejayaan ini adalah satu pencapaian yang luar biasa sekali gus telah mengharumkan nama UUM di persada dunia.

"Tahniah kepada STHM di atas pencapaian yang hebat dengan mendapat pengiktirafan akreditasi antarabangsa daripada Institute of Hospitality bagi Program Sarjana Muda Pengurusan Hospitaliti (BHM).

"Melihat kejayaan yang amat membanggakan ini bermakna UUM telah diterima di peringkat dunia sebagai dan ia menunjukkan satu perkembangan positif yang menambahkan daya saing pasaran program UUM," katanya.

Sementara itu, Dekan STHEM, Dr. Johan Afendi berkata, pengumuman itu dibuat dalam laman web rasmi Institute of Hospitality, United Kingdom, baru-baru ini.

Menurutnya, dengan pengiktirafan itu, nama UUM kini sudah sebaris dengan universiti terkemuka lain di peringkat antarabangsa dalam bidang hospitaliti dan pelancongan.

“Dengan akreditasi ini UUM khususnya STHEM dapat menambah nilai pasaran untuk graduan lepasan program ini dan menambahkan daya saing UUM di peringkat antarabangsa.

“UUM juga kini boleh menggunakan logo tersebut untuk tujuan menarik pelajar antarabangsa, selain memenuhi kriteria QS Ranking by Subject,” katanya.

Ketua Jabatan STHEM, Dr. Eshaby Mustafa berkata, Institute of Hospitality merupakan sebuah badan pengiktirafan antarabangsa yang memberikan akreditasi kepada mana-mana institusi pendidikan yang menawarkan program pelancongan dan hospitaliti.

“Alhamdulillah, kita berjaya melakukannya dan setakat ini hanya dua institusi di Malaysia yang mendapat akreditasi ini termasuk UUM.

“Dengan pencapaian ini, bermakna program BHM diiktiraf oleh panel penilai antarabangsa seterusnya membantu UUM dan STHEM khususnya untuk mempromosikan program yang berkualiti dan bernilai tinggi di seluruh dunia,” katanya.

Pada peringkat awal, UUM ditawarkan memohon akreditasi tersebut untuk program BHM oleh beberapa panel penilai program hospitaliti yang pernah bekerjasama dgn pensyarah STHEM di peringkat antarabangsa.

Program BHM telah melalui proses penilaian terperinci yang mengambil masa lebih setahun sebelum mendapat pengiktirafan ini.

Antara kriteria yang dinilai adalah dari segi standard program, proses pemantauan berterusan, penilaian semula program dan audit laporan perkembangan yang perlu dipenuhi untuk dinilai panel IOH.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.